

sua, sceleribus meis præponderare cœperint, tunc me purgatum leuioremque remeare, illum ponderibus suis descendere ac præcipitem agi necesse est. Quod cum Mediolani Domino renunciatum foret, exclamasse vnum ex astantibus ferunt: Seniculus ille, ex omnibus quæ habuerat, nihil præter spem sensumque retinuit: nec dum tamen tuto contemnitur: Et profectò sapienter ad vtrunque responderat. Primum quod secretum eius procul ab omnium turbis ageret, in secundo enim non sapiens modò, sed vates fuit: Siquidem non multo post, hostis exuperante nequitia, cui insolens dabat alimenta fœlicitas, illa deiecta, ipse victor rediit, in qua vsque in præsentem diem, vt videmus, ipsius & nepotes dominantur & filij.

RELIGIOSVS QUIDAM.

Dictum vnum audire placuit, & referre delectat, Religiosus quidam vir spectatæ sanctitatis, ac iam senio grauis, ad insequentis diei conuiuium inuitatus: Si quid, ait, nunc ex me vultis præstò sum, quid verò eras agendum sit, vos quibus vacat, cogitate: Ego enim à multis annis, crastinum non habui. o fœlix si ve-

t. iij.